

Date – 28/04/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Vawk pul hri ASF leng pawisa lova vawk talh lui leh hmun hrang hranga vawk thi paihte chungah dan anga hremna lekkawh a ni.
2. Mizoram Presbyterian Kohhran bial hrang hrangah Bial Inkhawmpui hman mek a ni.
3. Ram chhunga Political party hruaitute Lok Sabha inthlan thawh 3-na atan ngawrh takin an campaign mek.
4. CAPF leh Manipur Force tangkawp chuan Bishnupur district-a beihpui an thlaknaah silai leh a mu an hmuchhuak.

<><><>

ASF

AH & Vety Department in vawk pul hri African Swine Fever (ASF) leng chungchanga mipui hriattur thuchhuah a siam hnua hri lenna huamchhunga vawk damlo talh lui avangin Police-ah FIR thehluh ani.

FIR-a alan danin Kulikawn leh Salem vengte chu tun thla ni 17 khan ASF lenna hmun, infected area a puan a ni a, Local Council-ah pawh hriattirna pek niin, an ni pawhin khapna thupek hi mipui-ah an an hriattir tawh a chuti chung chuan Pu Sanghluna, Salem veng chuan April ni 20 khan vawk damlo talhin a zuar tih report an dawng a, ani bakah hian Pu Darchhuanthanga, Salem Veng Aizawl chuan Ni 25 khan vawk a talh thu report an dawng leh a, hei hi dan pawisak lohna leh mipui tana thil pawl tak mai thlen thei anih avangin Police te hmalak sak turin an ngen a ni. Thudawn danin Pu Darchhuanthanga hi lockup –ah ala awm a, Pu Sanghluna hi PR Bond a chhuah a ni.

AH&Vety Department in a tarlan danin,tun dinhmun-ah vawk pul hri leng mek avang hian vawk 285 thi tawh a, vawk 95 te chu ASF vang ni ngei a rinhlelh chu talh an ni tawh a ni. Hriat theih chinah Aizawl, Champhai, Lunglei leh Khawzawl-ah vawkpui hri leng hi report a ni.

Hetihlai hian AH & Vety Department hotute chuan tunhnaia social media a vawk thi kawng sira paih a awm thu bawh zuiin Muallungthu leh Samtlang an tlawh a.

Muallungthu VCP Pu Zonunsiana sawi danin Muallungthu leh Tachhip khaw inkara Zuanbakluiah vawk thi paih hmuh anih thu report an dawng a, a rang thei ang berin a hmunah kalin vawk thi chu a lo puam hman tawh avangin leh a rim te a lo chhiat tawh avangin thelret-a a theih ang anga khuh anih hnua kalsan ani a, Department hotute nen hian vawk thi hi damdawi nena sawngbawl hnua phum nise an ti a, khawtlangah vawk hrileng

chungchanga hriattur pawimawh te zau thei ang bera in hriih darh nise an ti bawh.

Samtlang leh Lungleng khaw inkarah pawh vawk thi kawng sirah paih anih thu bawh zuiin Samtlangah hian VC hruaitute hmuh nghal an ni a, Samtlang VCP Pu K.Zahunga chuan vawk thi paih a awm thu an hriat veleh VC lamin hma an la nghal a, vawk vulhtute ko khawmin, hmalak dan tur te an sawipui thu ngaihthlak ani.

He vawk thi chungchang hi Department hotute nen sawi ho niin,a phum hunah damdawi te nen sawngbawl a a phum tu turte pawh hmanrua dik tak hmang chung phum tura rel a ni.

Tun dinhmunah Muallungthu leh Samtlangah hian ASF vanga vawk thi report dawn a la ni lo a,vawkvulh tute chia lo tura hriattir an ni bawh.

VCP chuan Department lam ten rang taka buaipui tura an lokal chu lawmthu a sawi a, Khawtlangah mipuia hriat turin ASF chungchanga awareness tha tak neih nise an ti. Hetianga vawk thi a awm pawhin paih bo mai lo tur leh Vety Department hotute hnena a rang thei ang bera hriih hmasa thin tura puanzar nise an ti bawh. Vawk thi paih chungchangah hian dan anga hmala tura rel ani. Heng vawk thi te hi Department mithiam ten anih dan tur ang taka an buaipui hnuah phum an ni.

<><><>

PRESBYTERIAN BIAL INKHAWMPUI

Mizoram Presbyterian Kohhran bial hrang hrangah Bial Inkhawmpui hman mek a ni a, nimin khan rorel a ni.

Bial Inkhawmpui hi zirtawpni khan tan a ni a, vawiin chawhma, chawhnu leh zanah te vantlang Pathian biak inkhawm a awm ang a. Chawhnu inkhawmah Lalpa Zanriah Sakramen buatsaih a ni ang a, zan inkhawmah Bial chairman kal chhuak turten Inthlahna thuchah an sawi ang. Pathian biak inkhawm hun hrang hrangah thupui sawi tura ruatten thuchah an sawi dawn bawh a ni.

Bial Inkhawmpui hi April thla Pathianni vawi 4-naah hman thin a ni a, chutih rualin eng emaw rokhawlhna avanga hmang hma hret leh hmang tlai hret an awm bawh a ni.

Mizoram hmun dang te rualin Serchhip Dist a Presbyterian Pastor bial hrang hrangah inkhawmpui a ni a. Serchhip pastor bial, Serchhip Kawnpui kohhrana inkhawmpuia nimin khan rorel palai mi 207 kalkhawm chuan chhimchhak presbytery leh bial huapin AIDS /HIV Awareness campaign buatsaih nise an ti a, hei hi Presbytery-a ngaihtuah turin an thlen ang a, an bial bikah erawh chuan hma an la nghal dawn a ni.

Serchhip pastor bial inkhawmpui vawi 90-na rorel, Chairman Rev.Rolungmuana Zadeng kaihhruaiah hian Naupang Sande Sikul inkhawmpui chu intihsiaka hman tawh loh turin leh bial huapa Hla kutpui buatsaih turin an rel thlu a ni.

Hriat theih chinah Serchhip Vengchung bial pawhin Bazar kohhranah bial inkhawmpui an hmang a, New Serchhip bial chuan Bukpui kohhranah an nghat a. Hmun dang ang bawkin vawiin Pathianni chawhnuah Lalpa zanriah sakramen kilhovin, zanah chairman kal chhuak ten an hun tawp pual thuchah sawiin inkhawm an tin dawn a ni.

Nikum lam report-a a lan danin tun dinhmunah Mizoram Synod hnuaiiah hian Pastor bial 298 awmin, kohhran 1,139 a awm mek bawk a ni. Mizoram Synod website-a tarlan a nih dan chuan, tun dinhmunah Mizoram Presbyterian Church Synod hnuaiiah hian kohhran member nuaih 6 sing 2 sang 8 leh 719 an awm mek a, an zinga nuaih 3 sang 4 leh 304 chu mipa niin, hmeichhia nuaih 3 sing 2 sang 4 leh 415an awm bawk a ni.

<><><>

UPC NEI

United Pentecostal Church (UPC) North East India General Conference wawi 56-na Kolasib-a nghah-ah nimin khan Kolasib Diakkawn Headquarters Kohhran Biak In ah General hruaitu thar tur an thlang a, chungte chu: Gen. Superintendent atan Rev. Zohmingthanzama (Gen Secretary nilai); Gen. Secretary atan Rev. Lalmalsawma Sailo (Gen Treasurer nilai) leh Treasurer turin Rev. R. Laichingpuia (Gen Missions Director nilai) te thlan an ni.

Hruaitu tharte hi kum 2024 - 2025 chhung atana thlan an ni a, kum 2026 April thlaa General Conference an hman leh hun ah hruaitu thar an thlang leh ang.

General Superintendent atanga chawl tur Rev. R. Lalrinsanga chu tun thla April ni 29 hian pension in a chhuak dawn a, hemi ni chawhma lamah a pisa-ah kaiin, General Superintendent tura thlan Rev. Zohmingthanzama hnenah mawhphurhna a hlan ang.

<><><>

MSPMC

Mizoram State Project Monitoring Committee (MSPMC) chuan zirtawpni khan Hualngohmuna hmalakna kal mek - 'Construction of Solid Waste Management Centre: Phase-I' chu an Vice Chairman, Pu R. Lal Rinawma IRS(rtd) hovin a hmunah an endik.

A hmuhma leh hmalakna awm mekte thlithlai a nih hnuin MSPMC Vice-Chairman chuan a hmunhna chu tangkai thei ang bera hman a tul thu a sawi a. Hna tithuanawp thei, clearance leh thil dang a awm a nih chuan tihfel vat a that thu sawiin bawlhhlawh tawih thei lo (dry waste), awlsam leh felfai zawka thliar anih theih dan tur te, tawih thei (wet waste) khawl hmanga chak leh awlsam zawka tawih raltir theih dan tur, Mechanical compositing-te chu a hmunah engineer leh contractor-te ho nen an sawi ho va. Vice-Chairman chuan tun dinhmunah chuan Phase-II hna kalphung awm dan tur azirin assessment neih leh phawt a that thu a sawi.

Construction of Solid Waste Management Centre: Phase-I hi Special Assistance to States for Capital Expenditure (SASCE) hmanga cheng vbc 16 leh nuiah 64 a

thawh ni a, PWD chu Implementing Department a ni a. Phase-I hi tunah kalpui mek a ni a, chu chuan building sak leh inkalpawhna kawng siamnate a huam tel a ni.



LOK SABHA 3RD PHASE ELECTION CAMPAIGN GAIN MOMENTUM

Ram chhunga Political party hruaitute Lok Sabha inthlan thawh 3-na atan ngawrh takin an campaign mek.

BJP hruaitu Prime Minister Narendra Modi-a chuan ramin harsatna a neihte chingfel turin NDA Sawrkar chuan kum 10 kalta chhung khan theihtawp a chhuah a ni a ti. Nimin khan Maharashtra, Kolhapur-a vantlang inkhawmah Narendra Modi-a chuan thu a sawrkarin thalai leh hmeichhiate hmakhua chu a ngaihpawimawh hmasak a nih reng thu a sawi a. Aatmanirbhar Bharat leh Start-Up India kaltlangin NDA sawrkar chuan thlaite tan hna a siamsak thu a sawi a. An sawrkar leh a nih chuan Mudra loan puk theih zat chu cheng nuai 20-a tihpun a nih tur thu a sawi a ni.

Nimin vek khan Congress General Secretary Priyanka Gandhi Vadra chuan Maharashtra-a Latur district Utgir-a vantlang inkhawmah Prime Minister Narendra Modi-a kaihhruai NDA sawrkarah hna a van thu leh thil man a to thu a auchhuahpui a. Sawrkar laipui hnuai hnarua nuai 30 a awm laiin, mipui Vbch 70 lai hna nei lovin an awm thung a ni a ti.

Vadra-i chuan lo lam hnathawhna hmanrua-ah chhiah lak a ni a ti a, Congress party an sawrkar a nih chuan he chhiah hi nuaibo a intiam a ni. NDA sawrkar chu mihausate hnena loan puktir phalrai-ah leh loneitute chu hlamchhiahah a puh bawk a ni.

Lok Sabha inthlan thawh 3-naah hian ram chhunga Parliament bial 95-ah May ni 7 khian vote thlak a ni dawn a ni.



CAPF AND MANIPUR FORCES CONDUCT COMBING OPS IN MANIPUR'S BISHNUPUR DISTRICT

Central Armed police Force (CAPF) leh Manipur Force tangkawpin nimina Bishnupur district Naranseina khuaa beihpui an thlaknaah silai leh a mu an hmuchhuak.

Helai hmuna beihpui thlak a nih chhan hi Zirtawp zanlaia tu tih hriat lohten Naranseina khuaa CRPF post an beih vang a ni a. Hetah hian Sub Inspector leh Head Constable kahhlum an ni. Helai hmunah hian 128 Battalion-a B Company CRPF sipaite hi state chhung buaina avangin helai bawra thingtlang khuate veng tura dah an ni.

Nimina Sawrkar laipui sipai leh Manipur police-te beihpui thlaknaah khan rifle 4, China vawmpuah bomb 2, silaimu 145, a mu ruak 197, laipui mu 32, biakhlata leh thil dangte an hmuchhuak a, misualte tawmbuk 3 an tichhe bawk a ni.

Manipur Chief Minister N Biren Singh-a chuan pawikhawihna a dem thu a sawi a, a mawhphurtu chu dan anga hrem an ni ang a ti.



HEATWAVE CONDITIONS LIKELY TO CONTINUE IN PARTS OF WEST BENGAL, ODISHA AND PENINSULAR INDIA

West Bengal, Odisha leh Peninsular India bung thenkhatah khua a la lum chho zel tura hrilhlawk a ni.

Odisha-ah chuan khawlum hian nunphung pangngai a tikhaihlak a. Khawlum vanglai chuan mipuite pawh chhung lamah an tawmim a. Mamawh zuala pawnchhuak, ke-a kal leh lirthei ke 2 nei chi-a chhuakte pawh khawlum laka inveng thei ang berin an chechhuak a ni.

Angul khawpui-ah chuan khawlum lam chu a tehna degree Celsius 44.7 a ni a, Odisha khawpui Bhubaneswar-ah chuan 44.6 a ni a. Khawpui dang 14-ah pawh degree Celsius 43 chung lam vek a ni bawk.

Indian Meteorological Department (IMD) chuan Odisha-ah hian ni 4 chhung khua a la lum chhonzawm dawn niin a hrilhlawk a. District thenkhatah chuan khawlum lam chu degree Celsius 45 pawh pel thei a nih thu IDM chuan a sawi .

